

Hysbysiad am Ddatganiad ynghylch Ymgynghori â'r Gymuned

Mae Abergelli Power Ltd (APL) yn bwriadu adeiladu a gweithredu gwaith cynhyrchu pŵer sy'n llosgi nwy a chysylltiadau â'r rhwydweithiau nwy a thrydan ar dir gerllaw Gorsaf Gywasgu Nwy Felindre yn Fferm Abergelli, Felindre, Abertawe SA5 7NN (y "Prosiect") Lleolir y safle arfaethedig tua'r gogledd o Abertawe yn Ninas a Sir Abertawe (i'r gogledd o'r M4, Cyffordd 46), oddeutu 1km i'r de-ddwyrain o Felindre ac 1.5km i'r gogledd o Langyfelach.

Mae'r Prosiect yn cynnwys Gwaith Cynhyrchu Pŵer a Llecyn Storio/Cwrt Cynnal, Ffordd Fynediad, cysylltiad nwy, a chysylltiad trydanol a fyddai'n cysylltu'r gwaith cynhyrchu pŵer â'r rhwydweithiau trosglwyddo presennol gerllaw. Byddai gan y Gwaith Cynhyrchu Pŵer allbwn trydanol wedi'i raddio o hyd at 299 MW o drydan. Yn amodol ar ymgynghori â'r cyhoedd, cynllunio a chyllid, gallai ddechrau gweithredu'n fasnachol yn 2022.

Ystyrir y Gwaith Cynhyrchu yn Brosiect Seilwaith o Arwyddocâd Cenedlaethol o dan Ddeddf Cynllunio 2008 (fel y'i diwygiwyd) (y "Ddeddf Cynllunio") sy'n golygu bod angen Gorchymyn Caniatâd Datblygu (DCO) i'w adeiladu, ei weithredu a'i gynnal. Yng nghyd-destun gorsafoedd cynhyrchu yng Nghymru, mae Deddf Cynllunio 2008 yn cyfyngu ar yr hyn y gellir gwneud cais amdano drwy'r broses DCO i ddatblygiad sy'n rhan annatod ac yn ffurfio rhan o'r NSIP. Ar gyfer Prosiect APL, yr elfennau annatod yw'r Gwaith Cynhyrchu Pŵer, y Llecyn Storio/Cwrt Cynnal a'r Ffordd Fynediad. Ni fydd cais APL am DCO yn ceisio caniatâd i adeiladu a gweithredu'r cysylltiadau nwy a thrydan; yn hytrach gwneir cais cynllunio o dan Ddeddf Cynllunio Gwlad a Thref 1990 neu defnyddir hawliau datblygu a ganiateir (fel sy'n gymwys). Fodd bynnag, cynhwysir pwerau caffael gorfodol ar gyfer y tir a'r hawliau sy'n ofynnol i adeiladu, gweithredu a chynnal y cysylltiadau nwy a thrydanol o fewn y cais am DCO.

Oherwydd natur a maint y Prosiect, mae APL yn ymgymryd ag Asesiad o'r Effaith Amgylcheddol (EIA). Felly, ystyrir y prosiect yn ddatblygiad EIA. Bydd yr EIA yn ystyried effeithiau posibl, cadarnhaol a negyddol fel ei gilydd, y Prosiect ar bynciau'n cynnwys ansawdd aer a dŵr, sŵn, tirwedd ac effaith weledol, traffig, ecoleg leol, daeareg ac amodau daear, amgylchedd hanesyddol, ac economeg gymdeithasol.

Caiff y cais am DCO ei brosesu a'i archwilio gan yr Arolygiaeth Gynllunio a fydd yn gwneud argymhelliad i'r Ysgrifennydd Gwladol dros Fusnes, Ynni a Strategaeth Ddiwydiannol. Gwneir y penderfyniad terfynol ar y cais gan yr Ysgrifennydd Gwladol.

Mae ymgynghori â phobl, busnesau a sefydliadau lleol eraill yn rhan hanfodol o'r broses ymgeisio am DCO a bydd yn helpu i ddylanwadu ar gynllun terfynol y Prosiect. Dim ond ar ôl ystyried yr holl fewnbynnau y bydd y cynlluniau'n cael eu cwblhau a bydd y cais am DCO yn cael ei gyflwyno.

Mae polisiâu'r Llywodraeth mewn cysylltiad â Phrosiectau Seilwaith o Arwyddocâd Cenedlaethol wedi'u cyflwyno yn y Datganiadau Polisi Cenedlaethol (NPSs). Mae NPS EN-1 (Ynni) yn nodi y bydd "nwy yn parhau i wneud cyfraniad pwysig yn y sector trydan - gan ddarparu hyblygrwydd hanfodol i gefnogi lefel gynyddol o gynhyrchu carbon isel ac i sicrhau diogelwch y cyflenwad." Mae'r angen am y Prosiect wedi'i gadarnhau trwy NPSs ac felly nid yw'n destun ymgynghori.

Mae APL wedi paratoi datganiad, a elwir yn Ddatganiad ynghylch Ymgynghori â'r Gymuned (SoCC), sy'n amlinellu sut mae'n bwriadu ymgynghori â phobl sy'n byw ac yn gweithio yng nghyffiniau'r safle ynghylch y cais arfaethedig am DCO.

Cynhaliodd APL ymgynghoriad statudol ac anstatudol fel rhan o'i waith yn 2014. Fel rhan o ymgynghoriad statudol 2014, cyhoeddwyd SoCC ar ôl ymgynghori â Chyngor Dinas a Sir Abertawe

fel yr awdurdod cynllunio lleol perthnasol ac mae'r SoCC presennol wedi'i fodelu'n agos ar SoCC 2014. Mae APL wedi ystyried yr ymatebion a dderbyniwyd fel rhan o ymgynghoriadau anstatudol a statudol 2014, ac mae'r rhain wedi dylanwadu ar gynllun y Prosiect y ymgynghorir arno nawr yn 2018.

Mae'r SoCC ar gael i'w archwilio yn www.abergellipower.co.uk ac yn y lleoliadau a restrir yn y tabl dilynol (mae amseroedd agor yn amrywio).

	Llyfrgell Ganolog Abertawe Y Ganolfan Ddinesig, Heol Ystumllwynarth, Abertawe SA1 3SN (01792) 636464	Llyfrgell Clydach Y Stryd Fawr Clydach, Abertawe SA6 5LN (01792) 843300	Llyfrgell Gorseinon 15 Stryd y Gorllewin, Gorseinon, Abertawe SA4 4AA (01792) 516780	Llyfrgell Treforys Heol Treharne, Treforys Abertawe SA6 7AA (01792) 516770	Llyfrgell Pontarddulais Rhodfa San Mihangel, Pontarddulais, Swansea SA4 8TE (01792) 882822
Dydd Llun	AR GAU	9.30-17.30	9.00-18.00	9.00-18.00	9.00- 13.00 a 14.00 - 17.00
Dydd Mawrth	8.30-20.00	9.30-17.30	9.00-18.00	9.00-18.00	9.00- 13.00 a 14.00 - 17.00
Dydd Mercher	8.30-20.00	9.30-17.30	9.00-18.00	9.00-18.00	9.00- 13.00 a 14.00 - 17.00
Dydd Iau	8.30-20.00	9.30-17.30	9.00-18.00	9.00-18.00	9.00- 13.00 a 14.00 - 17.00
Dydd Gwener	8.30-20.00	9.30-18.30	9.00-19.00	9.00-18.00	9.00- 13.00 a 14.00 - 18.00
Dydd Sadwrn	10.00-16.00	9.30-16.30	9.00-17.00	9.00-17.00	9.00- 13.00
Dydd Sul	10.00-16.00	AR GAU	AR GAU	AR GAU	AR GAU

Bydd cartrefi a busnesau o fewn radiws o oddeutu 3.5km o safle'r gwaith cynhyrchu pŵer yn cael taflen am y Prosiect ar neu o gwmpas yr 16eg o Ionawr 2018.

Cynhelir arddangosfeydd am y Prosiect yn y lleoliadau hyn:

Dydd Mercher y 7 ^{fed} o Chwefror 16.00 – 19.00	Neuadd yr Eglwys Llangyfelach , Heol Abertawe, Llangyfelach, Abertawe SA5 7JA
Dydd Iau yr 8 ^{fed} o Chwefror 15.30 – 18.30	Canolfan Adnoddau Forge Fach , Ffordd Hebron , Clydach, Abertawe SA6 5EJ
Dydd Gwener y 9 ^{fed} o Chwefror 17.00 – 20.00	Neuadd y Pentref, Tircoed , Y Cyswllt, Tircoed SA4 9QZ
Dydd Sadwrn y 10 ^{fed} o Chwefror 10.00 – 13.00	Neuadd Les Felindre , Felindre, Abertawe SA5 7NA

O 16 Ionawr 2018, bydd gwybodaeth ynghylch y Prosiect arfaethedig, gan gynnwys taflen wybodaeth, Adroddiad Gwybodaeth Amgylcheddol Rhagarweiniol (wedi'i ddiweddarau o ymgynghoriad 2014) a chrynodeb annhechnegol (sy'n cynnwys asesiad rhagarweiniol o effeithiau'r Prosiect) ar gael i'w harchwilio yn yr un lleoliadau ac ar y wefan APL.

Bydd y cyfnod ymgynghori yn parhau am 35 diwrnod a bydd yn digwydd o'r 16eg o Ionawr tan y 19eg o Chwefror 2018 (yn gynhwysol). Byddem yn croesawu'ch barn ar neu cyn 5.00yh ar y Ionawr 2018

19eg o Chwefror 2018. Cynhwyswch eich enw a'ch cyfeiriad. Gellir gwneud ymatebion yn gyhoeddus, yn amodol ar ddeddfau diogelu data.

Gwefan: www.abergellipower.co.uk

E-bost: info@abergellipower.co.uk

Post: Freepost ABERGELLI POWER

Ffôn: 01792 957 026